

詩

經

偶

箋

詩經偶箋

南昌萬時華茂先著

王風。

平王微弱降而爲風。幽王流彘厲王滅戲反得列于雅者何也。幽厲暴虐猶及于諸侯故爲雅。平王政教止及于畿內故爲風。

周之所以王。積風而爲雅。周之所以東。雅降而爲風。
黍離

通詩不見一宗周字。亦不見一宗廟宮室字。只就黍。

何集 卷三
稷生感。不須一語道破。如此自有無限感慨。且于謂
我心憂。謂我何求處。俱有含蓄。行邁二句。只平說有
謂行之靡靡。以心之搖搖者。未是知我者。謂我心憂
詩意。借知者以喚起。下不知者。意旨自明。時講泥注
中莫識已意。遂傳會之曰。不知者固不知。而知者亦
不知。我憂所在。尤屬蛇足。謂我何求。惟其久留黍稷
之間。而不去也。不須點破官室宗廟。彼何人哉。不斥
其人。而追怨之意。更楚而深矣。

君子于役

詩意因思而觸物。非感物而興思也。不知其期計時也。曷至哉。計地也不日不月。數往日也。曷其有佸。傷來日也。雞棲于埘。三句觸此二意生來。但若合若離。不可有所專屬耳。日之夕矣。猶唐人云。月明花落。又黃昏。有無限感嘆。首章云。如之何勿思。沈迥縣邈。不能已已。然尚有思也。至苟無饑渴。無可奈何。而庶幾其免于饑渴。非幸詞也。非願意也。亦非以此自解也。思益深矣。各末二句。復提唱。君子于役。大意味可玩。

西周之世。大夫非無行役也。出有皇華四牡之勞。入有杖杜魚藻之燕。人皆以爲盛典而寵勞之也。東遷政在諸侯。天子之公卿大夫奔走聘問。無有寧歲。燕勞之典廢矣。夫子見大夫妻此詩。錄之正以傷周之日微耳。艸蟲殷雷。平淡之思也。君子于役。哀傷之思也。世有盛衰。婦人女子之口傳之。所謂風也。

君子陽陽

陽陽有氣象發舒之意。陶陶有心志和樂之意。執簫以聲言。執翫以容言。其樂只且只就上二句咏嘆之。

安貧忘勞意總不消說出。敖舞位卽所舞之地。非別設舞位也。

注以爲前篇婦人所作。此說沿習久矣。然平詠詩詞安貧忘勞。旣屬蛇足。且如此一室中氣象和雅。東遷後安得有此。魯申公曰。景王好音。士遂習音。君子諷之。序亦曰。閔周也。君子遭亂。相招爲祿仕。全身遠害而已。意其簡兮之流。與余欲作此解。玩諸說。遂有獲我心者。故存此義。

揚之水

荆子討申侯。弑幽王之罪。伐申。侵甫。及許。平王遣兵
戍之。周人怨思而作三章。一意思處。卽是其怨處。上
之使下。已絕父子之義。故下之往役。止深夫婦之情。
曹氏曰。楚小。于薪。蒲輕。于楚。始薪。次楚。次蒲。愈輕矣。
而不能流。喻周之弱也。

中谷有蓷

古之王者。養民之生。及其後也。聽民之自生。至于不
能聽民之自生。而又有以戕其生。則民始有不聊生
者矣。中谷有蓷。是也。

蕕一名充蔚。一名菴間能旱草也。生下濕之地。耐旱者。枯生下濕者。亦枯。宇宙燔焦。物產憔悴。甚于茗華。哀于萑楚矣。泣甚于歔歔。甚于嘆。艱難不淑中。無相原意。何嗟及矣。中無安命意。總是深悲極痛之詞。此詩合芣苢讀之。至今令人欲淚。室家相弃。于此儻中見之。

兔爰

國家氣運全在人才消長。朝廷威德全在刑賞得失。黨錮而漢亡。清流而唐亡。黨人之碑設。而宋南渡大

都刑賞不差。則人才不盡。人才不盡。則士大夫之正氣與國家元氣尚相維持。千古興亡。一一不爽。兎爰而雉雁文武之澤遂斬然矣。

我生之初尚無爲。莫說好話。此時已不成世界矣。百罹稍推開說。不粘定刑罰無咎不動而死也。無覺無聽不知而不聞也。安得中山千日酒。醺然直到太平時。正是此意。

葛藟

通詩以嘆已之窮爲主。貴人意輕。葛生于山谷。在河

潯河。洩河。潯非其所依。故以爲興。莫我有視之如無也。句法。

岸上面平夷而下爲水。洗蕩。嚙入若唇。故曰潯。

采葛

采葛託言以指其人。猶氓之言復關也。

葛生于初夏。采于盛夏。故曰三月。蕭采于秋。故曰三秋。艾必以三年之久爲佳。故曰三歲。

大車

檻檻所聞也。如葵所見也。一時威靈氣燄。不覺望而

生。思。亦。有。郢。都。王。溫。舒。道。不。拾。遺。之。意。然。相。矢。同。穴。
淫。心。愈。扇。淫。情。愈。深。與。行。露。野。麝。其。致。自。別。似。已。爲。
后。來。連。理。枝。鴛。鴦。冢。作。偏。千。古。所。以。爲。王。風。也。
謂。予。不。信。謂。我。之。言。有。不。出。於。誠。實。者。皎。日。在。上。足。
爲。予。証。也。

丘中

有。麻。有。麥。有。李。詞。出。於。疑。故。所。指。無。定。處。子。嗟。子。國。
不。必。問。是。幾。人。或。一。人。而。名。字。異。呼。或。俱。借。言。或。竟。
兩。人。總。不。足。穿。鑿。也。 留。我。珮。玖。是。寔。話。思。之。不。至。

之子又眷于兩情。故胎之珮玖以結慇懃。殊覺有致。有情。舊作既來而與其贈。既無意味。亦光景不象。

鄭風

緇衣

美武公也。桓公爲幽王大司徒。幽王被弑。桓公死之。子武公與晉文侯定平王於東都。王城父死。其君子定其鼎。當時列侯固未有如鄭桓武者。既改衣復適館。既適館復授粢。總是周人無已至愛。然其綢繆之意。終非三者所能盡。故曰好賢如緇衣。

天子之卿既朝而退服緇衣以聽政就服緇衣上說
他相稱又說他恰好又說他安舒而德自想見此詩
言好德却不露出德字止首一句微露之且不曰衣
之新而曰衣之敝又可想見他意中模擬之情適館
授粲俱同此意俱非寔事

將仲子

畏非畏禮義也只怕人議論耳注者之情至于無所
畏而極有所畏猶非觴溢之日也無踰二句詞雖
拒而意則予之

叔于田

段不義而得衆。閭里悅之。此皆其私黨之言亦。猶河
朔之人。以安史爲聖耳。美者言其無可憎議也。須各
照居人服馬飲酒看出。仁者相周相卹。煦煦相親。好
者獻酬欵洽。情意交通。武者罄控馳騁。力能使馬以
其衆相混處。故見其仁。衆共飲酒。故見其好。馳騁
射。故見其武。玩味此詩。叔當日輕薄浮動。如今貴家
游冶郎。與閭里惡少呼朋引類。徵逐比周。宛然如見。
夫慈母居中。惡黨居外。那得不亂。身無理義。交無正

上章于
田不重
引起之
詞耳

人那得不死。然服馬飲酒之儔。足以死。叔段雞鳴狗盜之雄。反以生。孟嘗固在。各人身分。

大叔于田

迪詩盛詞誇詡。想見其深相傾接之意。玩獻于公所。一語。或上爲叔。自出田。此爲從公出田耳。如組如舞。初出狩事。與下整控不同。五御之法。有舞交衢者。所謂如舞也。火烈具舉。焚林而佃也。袒裼暴虎。狀其武勇。亦有不啻口出之狀。無徂誇美中長慮。旣驚絕人之技。又戒墜人之凶。非徒戒之使勿爲也。上襄雁行。

與下齊首如手。不作善御看。罄者騁馬以從。禽曲折有法如罄形。然所謂逐禽方也。控者馬行方速止之卽止也。縱者發矢時放手任其去也。送者舍矢後弓稍隨轉向前如送矢。然一縱便送其勢甚速。非兩時事。馬遲發罕釋弰。鬯弓言叔從容得意如庖丁提刀而立。躊躇滿志。善刀而藏之也。還是誇美意多。注中喜其無傷反膚淺矣。禽獸居之曰藪。

合二詩觀之。叔之負氣任俠。下之背公死黨。各從口中和盤托出。已必非居無事者矣。然叔之得衆如此。

爲魏之信陵齊之孟嘗不足爲晉之桓叔衛之州吁亦不足何也其智不深其勇不沈結納皆亡命之人終不足以舉大事莊公識破此人弄之股掌中亦久矣桓志殺段固不足言漢文寔友愛諸弟不朝賜几杖不問殺辟陽侯不問警蹕稱制不問卒令以驕恣自敗損愛弟之名又知國家大体畢竟私情上稍姑息不得公義上稍寬假不得

清人

詩刺文公不重高克無節制上閔公二年冬狄人衛

在鄭河北。故使高克禦之河上。在彭。在消。在軸。便有
爰居。爰處之意。在旁。旁。麇麇。陶陶。俱駟介言。勿就人
言。重英。二矛長短不齊。故其英飾相重累也。重喬則
師久而英敝矣。將軍之車。左執御。右執兵。將在中。故
曰左旋右抽。中軍作好。若士卒之車。左持弓。右持矛。
中人御。此詩作于旣散之后。而尚曰翱翔逍遙作好
者。詩人之婉詞也。然不必補師散。只隨文描寫。其失
自見。

兵國之大事。弃之境上。是以三軍之士戲也。况君臣

相貳更假之重兵。優游歲月。翱翔境土。使克爲跋扈。無將之臣。鄭之旣已不在河北之狄矣。古今馭將從無此法。故刺之。

羔裘

三章皆德稱其服。各章上下。綰合相稱。意自分明。命者所賦之性也。舍若以之爲安宅。然命旣訓性。不應夾帶生死等語。混之注未安。豹有武力之獸。以豹爲飾。故見其武。非形容羔裘之狀也。司如司命司馬之類。直亦非主諫。君有危言危行之意。彥文采照耀足

以潤色皇猷。勿說聲譽上去。素絲以英裘。三英古之制也。

遵大路

谷風棄婦。遲遲于送畿之時。祇自痛心。飲泣而已。遵路慘祛。媿媿故好。淫者婉奕。媚人光景。自別。

雞鳴

首四句。賢夫婦筦簞之上。彷彿皇問。夜光景聲。吻中一畫出。

注云。射者。男子之事。中饋。婦人之職。固然。翱翔而

出鳧鴈而歸。杯酒勸酬。豈賢夫婦無窮生事。盡在于此。須知弋鳧鴈。亦不過治生中一事。特偶舉言之。宜言飲酒全就其勞苦中寫出德業相成意氣相得。閨門中一段忻洽光景耳。說到偕老宛然。夫婦謀生共晷長久。琴瑟靜好。宛然搏拊之間。刑于雅韻洋洋盈至。女子生不踰閭。末以親賢取友相規切。看此婦何等見識。何等胸期。有婦如此。儼然一良友明師。雜珮贈遺。固是緇衣之好。亦見其幽閑之德。不欲以鉛華事君子矣。既致其來思。贈其往故。贈順則不忍疎。

聞故問我好。彼善是彼。以善施我。故報。

有女同車

于瓊琚言其美色。于將將言其德音。各從其類也。
翱翔車中。衣服迎風。飄舉之貌。神女賦。婉若游龍。乘
雲翔。又曰。竦輕軀以鶴立。若將飛而未翔。

孟姜世族貴女也。美質之佳麗也。都飾之閒雅也。冶
容艷質。多出于膏腴甲族。薰濃含浸之下。彼山姬野
婦。雖美而不都。雖有舜華之顏。瓊琚之珮。所謂婢作
夫人。鼠披荷葉。舉止羞澁。惡能閒雅乎。

德音如霍小玉之引喻山河比誠日月皆是。

扶蘇

淫者相調謔之詞。狂且狡童總見相狎之意。非真以爲狂。狡也。舉止輕儇不可耐。曰狂。情詞詭誕不可信。曰狡。

薛今

此未得而急欲得之詞。倡和相應相求之義也。

狡童

若忿。若憾。若諱。若真情之至也。以爲絕意者非。以爲

婉意以求合者亦非

褰裳

說得淫蕩無耻之極。大意與狡童相似。狂童之狂也。且喚起作唾罵調笑語耳。

丰

鍾伯敬曰叔伯卽前人。望其復來申前約也。看來似應如此說。更合舊說無味。

東門

上二句志所懽之居。下二句志相思之意。

風雨

聽雨聞雞此思者。最無聊之况也。兩人在室。言之遂爾津津。可知境以心造。云胡二字。懽幸之極。或以爲淒淒喈喈。極道無聊之景。旣見君子。皆預擬之詞。似更好。

子衿

禮不珮青玉而曰青青子珮者。珮玉以組綬帶之。揚之水

流緩則浮沈而不去。儔寡則依戀而不忘。二者皆有

綢繆之意。總是與其情之相親。而欲其無相間也。古
今男女情深。往往于昵枕伍幃時。援托鄙誠。長恐篋
笥見捐。貝錦中作。此正其鍾情極處。未必有他志而
急自解也。

東門

聊樂我負。聊且與娛。二聊字中。澹泊寧靜。識得破守
得定。

茶英茶英。是白貌。吳王夫差黃池之會。白常白旌。素
甲白羽之贈。望之如茶。如雲綺麗可觀。如茶輕白可

愛

蔓草

婉如清揚。或曰如而通。或曰猶清揚。婉如倒句也。

溱洧

士女以脩禊會于水濱。此山陰曲水之鼻祖也。女曰觀乎。數語宛轉流連。曲盡游人語態。然作淫者自敘之詞。非也。曰士曰女。分明作詩者述語。

芍藥一名江離。一名可離。故相別者贈以芍藥。

齊風

雞鳴

或曰美賢妃也。或曰陳古而刺今也。此俱不必強求。但說詩者須就其聲响意象之間摹寫其仿皇不安驚疑不定之意。當其中夜深宮時時恐雞鳴時時恐東方明無聞自聞無見自見忽而曰雞既鳴矣。朝且已盈矣。如匪雞之鳴也。豈蒼蠅之聲耶。既而曰東方明矣。朝或已昌矣。如匪東方之明也。豈月出之光耶。旋又曰蟲聲在耳。今薨薨而飛矣。同夢之樂。豈不甘之。然會朝者行且歸矣。無以婢子之故而并累主君。

之明德乎。汲汲皇皇語意可想。至於雞聲之不可爲。
蠅。東方明之不可爲。月君未視朝。群工決無遂歸之。
理。一穿鑿便呆然。不曰君之荒于內。而曰已之甘于
同夢。不曰以君故憎我。而曰以我故憎君。則詩中渾
厚和平之意耳。匪雞則鳴。注作他人口中代說。又似
間斷。

人將曉更倦而思睡。蟲飛薨薨時下一甘字亦妙。

徐玄扈曰。風人之致多。是借有爲機。倚無爲用。說處
不是詩。詩在不說處。譬如車輪之轉。非轂非軸。妙在

于空。又如鼓響于桴。聲不在木。火傳于新。光不在燭。若將意思一句說盡。味如嚼蠟。又如箭盡力墜。氣勢索然矣。讀詩者。駕繡金針。在此數語。正索解人亦不得耳。附錄于此。

還

首句是已譽人。末句是人譽已。還偃茂好昌。臧俱酬報之言。字義各相應。似兼技藝容止言之。茂技藝之美。昌才能之富。

蘇秦謂臨淄之民。無不吹竽。鼓瑟。擊筑。彈琴。聞雞走

犬六博踰翰家敦而富志高而揚讀此與盧令二詩
自見其交相稱譽處正是未知鹿死誰手之意爭之
至也

著

此是刺者設爲新婦始見脣而誇示之詞俟著俟庭
俟堂使人讀之而不親迎自見統用雜采青素黃每
章用一色言之瓊華瓊英瓊瑩亦只是一物木謂之
華艸謂之榮不榮而寔謂之秀榮而不寔謂之英皆
以草木之華形容玉之光色也

東方之日

詩中之興語不相屬。事不相因者。始見于此。乃因其時以起興。男女相奔。不夙則莫。此殆朝隱而入。暮隱而出。履卽近之也。履發送之也。室在寢內。闥在門內。

東方未明

二章惟其無節。末章惟其易知。而不知皆刺之也。

人君果有勤政之心。雖夜半投籤。亦誠嘉事。此云興居無節。全是乖張。任意忽然。蚤起蚤便。過當如此。等人必于晏朝邊多。末句不夙則莫。句是詩人命意所

屬不刺其莫而刺其蚤亦微詞也。
折柳以內外之限較晨夜之限也。

南山

魯桓弑兄自立有危心焉。結婚于齊。歸田于鄭。成亂于宋。樹三疆以自固。尤屬望者齊耳。齊襄恃強以行淫。文姜妄行以恣欲。桓之不能制妻以齊之勢重也。襄之忍於淫妹以桓之中怯也。

首二章刺襄。後二章刺桓。或曰詩是齊風刺桓。正是刺襄處。

屨有纁屨黃屨黑屨白屨散屨五等故曰五兩冠之下結者爲纓纓之下垂者爲縷四如之何深恐之之詞。

甫田

上二章喻蠟等者無益後章喻循序者自成意自相承末句最可味言近小自然遠大正醒出四無字精神。

盧令

還是相譽盧止譽人。

戰國策韓國盧天下之駿犬也美俱就獵者才藝說
田獵時追逐草野儔侶相懽便是仁鬚鬚似帶武勇
意在。

敝筭

刺莊公也筭之敝不能制魚公之弱不能制母。

前說魯道有蕩齊子由歸已有往來招搖道路傳笑
之意此云其從如雲如雨如水說得恁地無忌恁地
無耻然公雖不能制母從者豈不可以君命持之亦
亦有此意。

唯唯狀魚出人自便意妙品如水猶水之就下也注訓多未安。

載駢

數詩不曰魯夫人而曰齊子皆外之之詞也齊魯之間頻來頻往真覺魯道蒙塵汶水流穢詩人極狀其車馬僕從覲顏無耻發夕便有日暮而駕不及晨裝意豈第以懿美字用代醜詆齊子毫無愧縮滿路春風顧盼臨淄忻忻入望情事兩字描出機鋒毒甚。

猗嗟

凡論人必先稱其所長則其所短不言自見自猗嗟而下句句是稱美處節節是歎息不滿處每章首猗嗟二字隱隱不露射則臧不出正舞則選四矢反技藝之美餘皆威儀之美

人若短小便無儀可觀故體貌俱屬威儀抑若揚言公雖自家韜斂光輝竟不可遏句法能品禮有疾趨徐趨中其度故曰巧

儀旣成與不可選相似此齊人之詩展我甥似亦本等稱羨之詞明非襄公之子亦太鑿

樂必舞而後成雖國君之子教于成均亦必成童舞
象既冠而舞大夏

射皆三耦而止終日食侯美其久而能中也射則貫
中而有力也四矢反則兼巧矣射必四矢象有事于
四方

諸則字亦詩人微詞也

詩經偶箋卷之三終

詩經偶箋

南昌萬時華茂先著

魏風

魏世家不可考。周武以封同姓魯。閔元年晉獻公滅之。以與畢萬。此詩皆未滅時作。蘇氏以爲猶邯鄲之于衛也。

葛屨

首章刺褊急以事言。次章推其所以刺之故。若曰威儀容貌非不可觀。而無奈其褊心之若此也。

搽搽四句總是褊急皆由俗之儉嗇來言女手者未
三月未成爲婦內則云衣裳綻裂紉箴請補綴乃成
婦後奉舅姑事裳統于要衣統于襟好人三句以容
言象搽以飾言褊心寬說縫裳在其中古人以右爲
尊故左爲主位

汾沮洳

三章無淺深以二彼字相呼爲興無度如英如玉俱
就容節言之如英謂如華之可愛也如玉謂如玉之
無瑕也

蘇子由曰。君子之爲國。致隆而極廣焉。故其降也。猶可以不陷。大都國之教化。卿大夫助之下之風俗。卿大夫先之。儉固美德。然貴臣巨室。纖謹拘促。毫無餘地。氣象狹小。自非盛長之机。且儉不中禮。貪忍皆從此生。故二詩深以爲刺。張叔翹云。玩二詩。所謂女手縫裳。采桑采莫。政與公儀休拔園葵去織婦者相反。蓋有與民爭利之意。所以刺之。特意微蓄不露耳。若止是儉嗇。亦未見可刺也。

園有桃

韓詩外傳曰。無章句曰。謹。

國家危亡。必非一朝一夕之故。君臣上下。怡然處堂。
只緣不思。其中賢人君子。必有先見而抱杞憂者。無
柰我以為非。人以為是。銅蛇荆棘之歎。千古皆然。以
核充穀。以憂度曲。即興意也。以出納相對者。大不必
驕。就歌謠說。罔極。即就行國說。蘇氏云。行國告人以
不可也。不是空空行走。是者言式微之國。無俟更張
之令也。詩人意中。終有望他深思意在。

陟岵

陟。岵。陟。屺。陟。岡。狄。懷。英。太。行。白。雲。縹。渺。親。舍。之。意。父。
曰。母。曰。兄。曰。臨。風。淒。斷。如。聞。其。嘆。息。之。聲。矣。尚。慎。旃。
哉。轉。爲。室。中。人。摹。出。一。番。疑。慮。一。番。叮。囑。視。諸。懷。鄉。
望。舍。之。什。俱。深。一。層。着。意。惻。惻。可。念。

十畝

賢者有不樂圭紱之意。故見桑者。生羨慕想。非見幾。
而作之謂也。與子之子。就同事言。非桑者。行字可味。
雖不能遽還。此志決矣。

伐檀

各首三句述其事中四句推其志末二句贊其人也
伐檀亦是借意與稼穡狩獵一例非必真伐檀凡謀
不遂心之事皆是寘之河干亦只是爲其事無其功
耳稼穡只疊上一層不是又將來與伐檀比例然時
講于此又謂不改伐檀之恩則以君子真爲輪輿者
流矮人觀場殊可捧腹五不字見厲志處胡取胡瞻
如云休想的口氣以不可字代之反不得意趣不素
餐卽上看出不必更推深一層

此詩托言之比爲尊者諱故寓意于鼠不必補出正意下文亦不必言鼠不必言人順文說去爲是

三歲貫女誅求之害非朝夕也逝將去女欲去而尚未去亦尚有徘徊故國意在樂土樂土每重言之似有想慕欣喜之意然亦臆想料度非真有所指也

唐風

唐堯墟周封其弟叔虞是曰唐侯即所謂剪桐葉而封之者也蘇子由曰唐風寔晉詩而猶謂之唐以爲此堯之舊而非晉德之所及也

蟋蟀

凡人解其拘者。或失于縱廣。其儉者。或流于奢。故疾未已。而新疾復生者。多矣。讀蟋蟀詩。可想其勞生敬業。憂深慮遠之思。

三章開說。外深于居。憂深于外。瞿瞿未見于爲。蹶蹶則爲矣。蹶蹶未獲其安。休休則安矣。其意漸深。

日月除有過此餘閑。又營新歲職事。不暇爲樂之意。外不是外患。若外患又與思憂無別。旣爲思慮所不及。又豈得指寔言之。只虛說意味自長。

好樂二句。只足上語。不是着力說。非又欲取法古良士也。休休。不是安樂。是知止知足意。人惟不勤儉。便妄想。妄想。便妄爲。

山有樞

三章末章更切。二且字。有勿問其它意。此雖以答前篇之意。而解其憂。甫樂而憂。思卽隨之。解樂而死亡。以動之。蟋蟀之氣象。固局促。山樞之情。旨益悲涼。然畢竟是勤苦生事之人。故感念勞逸。憫怜生死。衣裳等。既不過尋常受享。且說及時處。亦未嘗荒廢時日。

一味行樂。須不可說得太高曠。似晉以後人語。
多憂則覺日短。又曰愁多知夜長。何也。曰居幽處。獨
慙慙。慕遠則雖短而似長。應務營業。矻矻勞生。則雖
長而似短。蟋蟀勞生者也。

揚之水

作此詩者。曲沃之黨。如鄭人之私段者。然揚之水。水
柔石剛。水石相激。以喻晉曲沃之勢也。素衣朱襮。宛
然黃袍加身之意矣。我聞有命。但隱隱說欲舉事。便
了不可明說。傾晉素衣中衣也。玉藻孔氏疏引皇

氏曰凡服先加明衣次加中衣冬則加袍繭夏則葛次加祭服若朝服用布衣先以明衣親身次加中衣冬則次加裘裘上加裼衣裼上加朝服夏則中衣之上不加裘而加葛葛上加朝服朱襮者染繒爲赤色爲中衣領緣繡則獨于領中也

椒聊

此詩鍾伯敬以爲誦功樂成之詞當未然彼其之子外之也椒聊且二句嘆之也分明晉室忠臣見沃日盛彊漸成尾大孔子龜山操云我欲望魯兮龜山蔽

手有斧
何又柰
龜山何
尼父亦
好商語
如此

之手。無斧柯。柰龜山何。即此意也。

上以椒之蕃盛。興沃之强大。下以椒之遠條。而寔益
繁。喻沃之將來。而勢益盛。埤雅茱萸氣好。上椒氣好。
下沃以支子受邑。故興取義于此。二升曰劑。劑大于
升。碩大言其氣。醖篤則盤據愈深厚矣。

綢繆

此以偶然而見。爲興。今夕何夕四字。喜甚。有喜慰驚
疑。恍然如夢之意。如此良人何。歡樂有盡。喜幸無量。
唐人所謂東方漸高。柰樂何。此語止可意會。著一語。

講不得婦語。夫夫婦婦相語。夫語婦皆詩人述詞也。

扶杜

葛藟之謂他人昆。亦莫我聞。常棣之凡今之人。莫如兄弟。與此互相發。此詩非求助于人也。傷已之無兄弟。以爲助耳。玩嗟字。兩胡不字。反覆傷悼。分明只嘆不相親。助究竟亦無凱望責備兩心。只見已無兄弟之可哀。與上不如我同父無二層。比以心言。有眷戀意。次以事言。有扶助意。以獨生之杜甚茂。反興獨行之人無與。

羔裘

此詩朱傳無定解。或美或刺。諸說紛紛。當是刺意。隱然而口中祇作怨望之語。居居我所賴以安居也。究究我所恃以究察其疾苦者也。豈無他人。謂非無他人之可從。非我所托命。則維子之故。且好不容他適也。此責人之忠厚者也。

羔裘上下通服。君純羔。大夫間之以豹皮飾袖口。

鵲羽

鵲之羽不便樹止。比民之性不便勞苦。此詩比頭不

比尾又一一比例是比体之似興者呼天者與幸之詞失養則失所故曰曷其有所征役無已故曰曷其有極予廢常職故曰曷其有常

無衣

詩若爲武公請命之詞偃蹇不恭無人臣禮或詩人惡之醜之特誅其意非必武公有是言也

豈曰無衣五代劉仁恭曰旌節吾所自有但要長安本色耳正是此意安吉煥非復顧天理重王命只是不惜天子名色無以內制國人外抗與國便覺危而

不安。凶而不吉。服之不安穩。便有不暇煖之意。便不
煖了。武公自立三十七年。始以寶器賂周釐王。
夫子存此詩。所以著世變之窮。而傷周道之衰也。堂
堂天王。豈有馳亂命。獎凶人。公行賄賂之理。今日命
武公于曲沃。后日復命三卿爲諸侯。在武公固爲不
爽之報。而周之于晉。已爲再失道矣。

杖杜

總好賢無已之意。看來噬芻適我。固未必君子真以
寡昧見弃。曷飲食之。注直作無自而得飲食之。則中

心。妖。之。反。輕。有。甚。意。趣。語。意。只。一。氣。說。俱。是。興。望。之。詞。非。絕。意。之。詞。

葛生

前三章感物而自悲其無所依。后二章則思而極望之。詞近於傷矣。

誰與獨處。如云誰人與。伴我獨。誰與獨處。僅四字而意則兩轉。易亦有之。匪寇婚媾。獨旦猶獨夜也。古詩長夜湯湯何時旦。

夏日冬夜思境最難排遣。維此二時。江淹夏簟青兮。晝不暮。冬缸凝矣。夜何長。陶詩造夕思雞鳴及晨願。正以不。

鳥遷同此意。有謂思到沈痛時。日便如夏夜。便如冬。不以春夏言者。亦似有致。兩存之。

采苓

此詩之比與碩鼠同例。俱不欲斥言其事。姑指一物言之。人之爲言。上不必更補正意。緊承采苓說去。但不必更說采苓。凡托言之比。只借一事發端。下言彼。卽言此也。

苓生于隰。苦生于田。葑生于圃。三者皆非山中物。而曰顛曰下曰東。歷歷可指。此譏口之善狀也。苟亦無

信或指謔言無信實。看下無與無從。卽自聽之者無。聽信說亦可。謔言罔極。原欲見用。不期于舍原欲見。信不期于無。然今日舍旃曰毋然。則如簧之舌沮矣。故曰胡得焉。

秦風

魏唐堯舜禹之故都。至是而風亦變。則帝王風教中國禮義蕩然。而夷狄乘之。故次以秦。中國將變于夷矣。

秦反周之政者也。秦興而帝王之影響盡矣。車隣其

濫觴也。

車隣

此詩選
作于秦
公始爲
侯時
秦仲爲
大夫未
必有寺
人也

美秦仲也。秦伯翳之後，栢翳佐禹治水，賜姓嬴。末孫非子，周王使養馬汧渭之間，封爲附庸。邑之秦谷，曾孫秦仲，宣王命之爲大夫，始有車馬侍御之盛。今觀列國諸詩，大都流蕩淫昏，有日趨于亡之勢。而秦始有車馬禮樂，其氣蒼厲激昂，已有超八州，畢六王之槩。卽逝者其亡數語，與山樞同一感動流連。然彼讀之尚不免王處仲擊壺長歌，桓宣武扳枝拭淚。而此

詩慷慨悲涼。真有魏武帝對酒當歌。人生幾何。譬如朝露。去日苦多之意。獨其壯烈處。神氣矯露。盡屬末世君臣鼓舞功名之象。並坐鼓瑟。雖復簡易。宛然戎夷舊俗。今者不樂。便隱然惜時爭長。不能坐待。居諸視園之朋。酒羔羊公劉之執豕酌。匏上下太和。王伯之氣。截然秦之興。固于此可見。即秦之終于秦。亦在此矣。

車馬寺人皆創見。二有字有創意。在君坐臣亦坐。便是並坐。亦不必比肩。今者不樂。或以爲樂。前車馬寺

人固不是。即以爲樂國勢之方新。亦未是大抵看詩。當得其大意。不必如此拘滯也。逝者其耄其亡。還就國。人身上非就君說。即山東父老扶杖往觀。願少須臾。無死以觀德化之成。同意。

楊升菴謂秦初政。便用寺人。其後景監得以薦商鞅。趙高得以殺扶蘇。閹人之禍已見于此。夫子刪書以秦誓爲殿。知代周者秦也。刪秦風者。以寺人之令爲冠。知亡秦者寺人也。聖人無不知者。特以近恠而不言耳。

駟鐵

獵非先秦之所無也。威儀氣象之改觀。則今所創見也。一章往狩時事。二章方狩時事。三章畢狩時事。駟鐵屬馬之盛。六轡在手。不是說御之善。只帶在馬上說。奉時辰牡。虞人奉之也。孔碩不重。禽獸之多。只重翼獸之儀。上左之左。公所乘之車也。命左卽左。正五御逐禽左之法。御者之範。馳驅也。舍拔卽中射者之如破也。遊于北園。只將人遊馬。閑車輕大。暇平平散。散重重叠。叠敘去。自見從容整暇光景。

車降曰。寺人駟。駟曰。媚子偏伯之氣。當得意時。遂有便嬖滿前之象。然終事而載犬田以講武。非以從禽走狗相逐。視蕭蕭馬鳴。悠悠旆旌。景色又別。

小戎

秦起戎落之間。襄公初政。遂能脩其兵甲。致其果毅。一時車精馬良。器械工利。有戰勝攻取之氣。且其制度精巧。處置周密。一婦人能言之。雖宿將舊卒。不過于此。秦之興。尚武功。而士女樂戰。漢之亡。重名節。而女婦爭死。風之所被。其感如此。

各章上六句誇車馬之盛。下因及私情重報君父之
讐。上首章小戎五句是車。騏驎句是馬。析言之。小戎
句。車軫之制也。五檠句。車衡之制也。游環御騃之外
出也。脅驅馭騃之內入也。陰鞞句。使騃馬引車之制
也。文茵車上之物。文采昭也。鳴轂車之制。馳驅便也。
二章四牡四句。屬馬。龍質二句。是車上用物之制也。
納騃內轡也。不可當陰鞞之制。彼是引車之制。此是
控騃之轡也。此句所主在轡。所重在塗。不重制騃上。
三章伐騃句。是馬中五句。只鑊膺屬馬。餘悉車上之

制矛以擊刺。伐以捍蔽。韞以藏弓。二弓以防折毀。閉
滕以示約束。皆車上所用也。厭厭二句。本因思而想
像其人。若曰。以賢故思之。則失其旨矣。厭厭言其安
閑凝重。秩秩無非。間之言也。餘注已明。可一一核之
自審。

蒹葭

此詩意境空曠。寄托玄澹。秦川只尺。已宛然三山雲
氣。竹影風聲。邈焉如仙。大都耳目之下。不乏幽人豪
杰。何懷自有高寄。只此杳杳可思。正使伊人與作詩。

者俱留千古不盡之味更不必問其所作何人所思何侶也。蒹葭二句形容秋江景物總非筆墨所至此與嫋嫋兮秋風洞庭波兮木葉下已置今古文人秋咏都落下風至今容與寒汀者一念此語不獨意會且覺心傷在水一方原從浩淼波光之外若滅若沒若隱若現恍見此境與下道阻且長宛在水中央更無二際此等處境象自知語言皆贅若以爲意在一方及求之而道終阻而中央終宛在者固非以爲旣遡洄求之復遡游求之者亦未妙得其解也。

且長在彼濤沟湧上看。且躋水高難上。且右水廣難值也。

終南

以終南興君子。以條梅紀堂興容服。君子至止。便見始蒞新都。意錦衣狐裘。諸侯受皮弁之錫。于天子歸而享國。則服此告廟。後不更服之矣。顏如渥丹。花名體之移也。其君也哉。口中始見驚喜之詞。黻形如亞。黑與青謂之黻。五色備謂之繡。皆裳裳亦衣。故曰衣。勿誤作二物。壽考不忘。非祝其壽也。欲其久居此位。

耳。錦衣黻黼見非緇衣之舊佩玉見非三命悠珩之舊。

黃鳥

黃鳥羽毛聲音之美人所愛止于棘上桑亦人所采。楚亦人所刈。鳥性見人則駭故以喻三良之死非其所。

如可贖兮正痛恨其必不可贖也。若曰亂命可以無從三良可以無死。便失詩人渾厚之音。

應劭云秦穆公與諸臣飲酒酣公曰生同此樂死同

此哀于是奄息仲行鍼庸許諾及公薨皆從死果爾
三良之罪更甚于穆康矣夫君爲其社稷死則死之
齊莊之難晏嬰徒枕尸一哭而出况太平無事徒以
七尺殉君杯酒之盟此安陵之所以蓐蝼蟻虞今之
所以等逝騅耳丈夫作事何至于此

晨風

雍州無鄭衛浮靡之習故其民多深厚之思晨風之
歌是也如何如何無限忖度忘我寔多無限怨報却
無限含畜然不須說向富貴上去

物有所托。人無所依。晨風之興也。物與地相宜。情與事相係。山隰之興也。木皮青遙望如駁馬。曰駁六據所見而言。

無衣

岐豐周故地。文武成康。膏澤弘深。東遷而后。共主贅旒。玩王于興師一語。閭井小民。一衣袂相結約。遂欲拱神京。戴天子。同讐爾字。明明捐私怨。徇公憤。贏糧躍馬之氣。目眦可裂。心血可瀝。今讀其詩。開口豈曰無衣。豈惟意氣忼慷。且其音節壯厲。雄爽真有岳將。

軍直搗黃龍之槩。惜乎周不能用其衆。秦鼓其銳氣。而有之。反以亾三十世蒼姬之曆耳。傳中章末數語殊可玩。

鍾伯敬曰。此詩要寫出壯狠親暱之象。

玉藻云。纁爲襦。緇爲袍。純著新綿爲襦。襦用舊絮爲袍。

我赴敵而子未嘗後至。子陷陣而我未嘗却走。曰同仇相死也。非以相恤也。澤襲衣。近污垢。故曰澤袴也。

渭陽

只我送舅氏四字已說得極親熱極纏綿矣送之非以爲遠然渭水潺潺照人離別登山臨水送將歸自覺別路淒然送之非以爲厚舅氏之入當爲列侯故贈遺皆康侯服御之物悠悠我思對生者忽念死者意中淒楚口角悲涼欲言更不盡言大都別最銷魂更益以生死之痛其感更深且舅氏將離因而念母此亦情所必至文生于情其此之謂矣

夏屋

秦尚首功。簡弃賢士。夏屋之詩。即坑儒焚書之漸也。此詩與馮驩。缺歌相似。夏屋四簋。即車魚之意。向以大俎爲夏屋。不若以授室看更妥。造車始于輿。造衛妃于權。故以權輿言始。楊子震風凌雨。然後知夏屋之爲幘幪也。

詩經偶箋卷之四終